

**Bochus**

electri declinantes, matutinus aspectus iurundior. Ponticas depræhendit leuitas. Quædam in ijs duræ sunt ruffæq; quædam molles & sordidæ. Bochus auctor est & in Hispania repertas, quo in loco crySTALLUM dicit ad libramentum aquæ puteis defossis inde erutam. Et chrysoliton. 12. pondosa se uisam. Fiunt & leucochryse, interueniente candida uena. Sunt in hoc genere capniæ. Sunt & uitreis similes, ueluti crocorefulgentes. Vitree uero ut uisu discerni non possint. Tactus autem depræhendit tepidior in uitreis. In eodem genere sunt melichrysi, ueluti per aurum sincero melle translucente, quas India mittit, quæ ad iniuriam fragiles. Eadem et Xystion parit plebeiam ibi gemmam. Candidarum dux est pæderos, quæ potest quæri, an in colore numerari debeat, totiens iactari per alienas pulchritudines nominis, adeo decoris prærogatiua in uocabulo facta est. Est & suum genus expectatione tanta dignum. Coeunt enim in translucida crySTALLUM, uiridis suo modo aer simulque purpura, & quidam uini aureus nitor, sepe extremus in uisu, sed purpura coronatus, madere singulis uidetur his & pariter omnibus. Nec gemmarum ulla est liquidior, capiti iucunda, suavis et oculis Laudatissima est in Indis, apud quos

**Pæderos,**